

**ՊԵՏՈՒԹՅԱՆ ԿՈՂՄԻՑ ԴՐԱՄԱՇՆՈՐՀԻ ՁԵՎՈՎ ՏՐԱՄԱԴՐՎՈՂ ՖԻՆԱՆՍԱԿԱՆ
ԱԶԱԿՑՈՒԹՅԱՆ ԳՈՒՄԱՐՆԵՐԻ ՕԳՏԱԳՈՐԾՄԱՆ ՄԱՍԻՆ ՊԱՅՄԱՆԱԳԻՐ
N ՇՄՆ-ԴԵ-23/03**

ք.Երևան

« 16 » « 04 » 2023թ.

Շրջակա միջավայրի նախարարությունը, ի դեմս գլխավոր քարտուղար **Գ.Գուլյանի** (այսուհետ՝ Պետական մարմին), որը գործում է Պետական մարմնի կանոնադրության հիման վրա, մի կողմից, և «Սևան» ազգային պարկ» պետական ոչ առևտրային կազմակերպությունը, ի դեմս տնօրենի պ/կ **Կ.Մնացականյանի** (այսուհետ՝ կազմակերպություն), որը գործում է կազմակերպության կանոնադրության հիման վրա, մյուս կողմից (այսուհետ՝ միասին՝ կողմեր), հիմք ընդունելով Հայաստանի Հանրապետության կառավարության 2022 թվականի դեկտեմբերի 29-ի «Հայաստանի Հանրապետության 2023 թվականի պետական բյուջեի կատարումն ապահովող միջոցառումների մասին» N 2111-Ն որոշումը (այսուհետ՝ Որոշում), «Սևան» ազգային պարկի պահպանության, պարկում գիտական ուսումնասիրությունների, անտառտնտեսական աշխատանքների կատարում» ծրագրային միջոցառման՝ բաժին 05, խումբ 04, դաս 01, ծրագիր 1155, միջոցառում 11004 (այսուհետ՝ Ծրագիր), իրականացման նպատակով կնքեցին Պայմանագիրը (այսուհետ՝ Պայմանագիր) հետևյալի մասին.

1. Պայմանագրի առարկան

- 1.1. Պայմանագրով Պետական մարմինը պարտավորվում է Ծրագրի իրականացման նպատակով Կազմակերպությանը հատկացնել Որոշմամբ նախատեսված՝ մինչև **431 979 400 (չորս հարյուր երեսունմեկ միլիոն ինը հարյուր յոթանասունինը հազար չորս հարյուր) ՀՀ դրամ** գումար, իսկ Կազմակերպությունը պարտավորվում է Ծրագրին իրականացնել Որոշմամբ և Պայմանագրով սահմանված կարգով: Պայմանագրի գինը ներառում է ԱԱՀ-ի գումարը:
- 1.2. Ծրագրով նախատեսված Կազմակերպության կողմից իրականացվելիք միջոցառումները (այսուհետ՝ միջոցառումներ) ներկայացված են Պայմանագրի Հավելված N¹-ում:

2. Կողմերի իրավունքները և պարտավորությունները

2.1. Պետական մարմինն իրավունք ունի՝

- 2.1.1. Ցանկացած ժամանակ (այդ թվում՝ լիազոր մարմնի միջոցով) ստուգելու Կազմակերպության կողմից իրականացվող միջոցառումների ընթացքը և որակը՝ առանց միջամտելու վերջինիս գործունեությանը.
- 2.1.2. Որոշմամբ սահմանված պահանջներին չհամապատասխանելու դեպքում չընդունելու իրականացված միջոցառումները՝ իր հայեցողությամբ սահմանելով թերությունների անհատույց վերացման ողջամիտ ժամկետ, և Կազմակերպությունից պահանջելու վճարել Պայմանագրի 5.2 կետով նախատեսված տուգանքը.
- 2.1.3. առանց իրականացված միջոցառումների արդյունքների դիմաց գումար տրամադրելու՝ միակողմանի լուծելու Պայմանագիրը և պահանջելու հատուցել պատճառված վնասները, եթե՝
 - ա) Կազմակերպությունը ժամանակին չի սկսում ծրագրի իրականացումը, կամ ծրագրի իրականացման ժամանակ ակնհայտ է դառնում, որ այն պատշաճ չի իրականացվելու,
 - բ) Կազմակերպությունը երկու և ավելի անգամ խախտել է ծրագրով նախատեսված առանձին միջոցառումների իրականացման ժամկետները (միջոցառումների իրականացման ժամկետներ նախատեսված լինելու դեպքում),
 - գ) իրականացված միջոցառումները չեն համապատասխանում ծրագրով սահմանված պահանջներին.

2.1.4. Պայմանագիրն օրենքով կամ Պայմանագրով նախատեսված հիմքերով լուծելու դեպքում պահանջելու իրեն հանձնել անավարտ միջոցառումների արդյունքները:

2.2. Կազմակերպությունն իրավունք ունի՝

- 2.2.1. իրականացված միջոցառման արդյունքը Պետական մարմնի կողմից ընդունվելու դեպքում պահանջելու վճարել իրեն հասանելիք գումարը.
- 2.2.2. Պետական մարմնի կողմից գումարները չվճարվելու դեպքում միակողմանի լուծելու Պայմանագիրը և պահանջելու հատուցել իրեն պատճառված վնասները:

2.3. Պետական մարմինը պարտավոր է՝

- 2.3.1. ծրագրով նախատեսված դեպքերում աջակցել Կազմակերպությանը.
- 2.3.2. կատարել ծրագրի (առանձին միջոցառումների) իրականացման մոնիթորիգ՝ անհրաժեշտության դեպքում համագործակցելով այլ պետական կառավարման մարմինների հետ.
- 2.3.3. իրականացնել ծրագրով նախատեսված այլ աշխատանքներ.
- 2.3.4. իրականացված միջոցառման մասին ներկայացված կատարողական հաշվետվությունների վերաբերյալ համապատասխան որոշում ընդունել դրանք ստանալու օրվանից մինչև 10 (տասը) աշխատանքային օրվա ընթացքում: Եթե ներկայացված հաշվետվությունների համաձայն իրականացված միջոցառումը համապատասխանում է ծրագրի և Պայմանագրի պահանջներին, ապա դրանք ընդունվում են: Ընդ որում, Պետական մարմինը հաշվետվությունն ընդունելու դեպքում եռօրյա ժամկետում դրա մասին գրավոր ծանուցում է Կազմակերպությանը:

2.4. Կազմակերպությունը պարտավոր է՝

- 2.4.1. իրականացնել ծրագրի շրջանակներում Պետական մարմնի կողմից տրամադրված գումարների հաշվառումը հաշվապահական հաշվառման վարման Հայաստանի Հանրապետության օրենսդրությանը համապատասխան.
- 2.4.2. Պայմանագրով նախատեսված ֆինանսական միջոցներն օգտագործել ծրագրով և (կամ) Պայմանագրով սահմանված նպատակներով ու չափաբանակներով.
- 2.4.3. կատարել Պետական մարմնի կողմից բացահայտված թերությունների վերացման նպատակով տրված ցուցումները.



- 2.4.4. Պետական մարմինն ներկայացնել միջոցառումների իրականացման մասին աճողական հաշվետվություններ հաշվետու եռամսյակին հաջորդող ամսվա մինչև 5-ը, իսկ 4-րդ եռամսյակինը՝ մինչև դեկտեմբերի 15-ը, իսկ ծրագրի ավարտից հետո՝ 20-օրյա ժամկետում ամփոփ հաշվետվություն.
- 2.4.5. Պայմանագրի գործողության ընթացքում ապահովել ծրագրի իրականացմանը վերաբերող փաստաթղթերին ծանոթանալու Պետական մարմնի հնարավորությունը՝ վերջինիս կողմից գրավոր պահանջ ստանալու օրվանից 5 աշխատանքային օրվա ընթացքում.
- 2.4.6. Պետական մարմնի կողմից առանձին միջոցառումների իրականացման մասին հաշվետվությունները չընդունվելու դեպքում Կազմակերպությունը պարտավորվում է անվճար՝ Պետական մարմնի կողմից սահմանված ողջամիտ ժամկետում վերացնել արձանագրված անհամապատասխանությունները.
- 2.4.7. ծրագրի իրականացման համար անհրաժեշտ ապրանքները, աշխատանքները և ծառայությունները ձեռք բերել «Գնումների մասին» Հայաստանի Հանրապետության օրենքով սահմանված կարգով՝ պետության կարիքների համար կատարվող գնումների կանոններին համապատասխան:

3. Մոնիթորինգը, Պայմանագրի արդյունքների հանձնման և ընդունման կարգը

- 3.1. Պետական մարմինը ծրագրի իրականացման նախնական, ընթացիկ և վերջնական արդյունքների համապատասխանության գնահատման նպատակով իրականացնում է մոնիթորինգ:
- 3.2. Մոնիթորինգն իրականացվում է Պետական մարմնի և (կամ) նրա կողմից լիազորված անձի կողմից:
- 3.3. Մոնիթորինգի իրականացման ընթացքում բացահայտված թերացումների ու բացթողումների շտկման նպատակով Կազմակերպությանը տրվում են ցուցումներ, և կատարվում են առաջարկություններ:
- 3.4. Պետական մարմինը ցանկացած ժամանակ կարող է ծրագրի շրջանակներում իրականացնել մոնիթորինգ՝ ուսումնասիրելով ծրագրին առնչվող ցանկացած փաստաթղթեր և նյութեր:
- 3.5. Մոնիթորինգի իրականացման ընթացքում Կազմակերպությունից կարող են պահանջվել գրավոր ու բանավոր պարզաբանումներ և բացատրություններ:
- 3.6. Պայմանագրի արդյունքն ընդունվում է Պետական մարմնի և Կազմակերպության միջև երկկողմ ստորագրված և հաստատված փաստաթղթով՝ հանձնման-ընդունման արձանագրությամբ (Հավելված N°3), նշելով փաստաթղթի կազմման ամսաթիվը:
 Պայմանագրի 2.4.4 կետով նախատեսված ժամկետում Կազմակերպությունը իրականացված միջոցառումների հաշվետվության հետ Պետական մարմնին է տրամադրում իր կողմից ստորագրված՝ հանձնման-ընդունման արձանագրության երկու օրինակ:
- 3.7. Հանձնման-ընդունման արձանագրությունը Պետական մարմնի կողմից ստորագրվում է, եթե Պայմանագրի արդյունքը համապատասխանում է Պայմանագրի պայմաններին: Հակառակ դեպքում Պայմանագրի կամ դրա մի մասի կատարման արդյունքները չեն ընդունվում, հանձնման-ընդունման արձանագրությունը չի ստորագրվում և հաստատվում: Նման դեպքում Պետական մարմինը՝
 - ա) հարցի կարգավորման համար ձեռնարկում է նման իրավիճակի համար Պայմանագրով նախատեսված միջոցները.
 - բ) Կազմակերպության նկատմամբ կիրառում է Պայմանագրով նախատեսված պատասխանատվության միջոցներ:
- 3.8. Պետական մարմինը հանձնման-ընդունման արձանագրությունը ստանալու օրվան հաջորդող աշխատանքային օրվանից հաշված 10 (տասը) աշխատանքային օրվա ընթացքում Կազմակերպությանն է ներկայացնում իր կողմից ստորագրված և հաստատված հանձնման-ընդունման արձանագրության մեկ օրինակը կամ Պայմանագրի արդյունքները չընդունելու պատճառաբանված մերժումը:
- 3.9. Եթե Պայմանագրի 3.8 կետով սահմանված ժամկետում Պետական մարմինը չի ընդունում Պայմանագրի արդյունքը կամ չի մերժում դրա ընդունումը, ապա Պայմանագրի արդյունքը համարվում է ընդունված և Պայմանագրի 3.8 կետով սահմանված վերջնաժամկետին հաջորդող աշխատանքային օրը Պետական մարմինը Կազմակերպությանն է տրամադրում իր կողմից ստորագրված և հաստատված հանձնման-ընդունման արձանագրությունը:
- 3.10. Իրականացված միջոցառումների մասին մոնիթորինգի ժամանակ կիրառվում են հետևյալ պայմանները (կիրառելի է միայն Հավելված N°1-ի 4-րդ կետի համար)՝
 - 1) Կազմակերպության իրականացված միջոցառումների մոնիթորինգը կարող է իրականացվել Պետական մարմնի ղեկավարի կողմից ձևավորված աշխատանքային խմբի (այսուհետ՝ աշխատանքային խումբ) կողմից.
 - 2) աշխատանքային խումբը փաստագրում է իրականացված միջոցառումները և կազմում մոնիթորինգի հաշվետվություն.
 - 3) սույն կետի 2-րդ ենթակետում նշված մոնիթորինգի հաշվետվության հիման վրա, եթե իրականացված միջոցառումները համապատասխանում են պայմանագրի պայմաններին, ապա Պետական մարմինն իրականացնում է վճարումը Պայմանագրի 4.2 կետով նախատեսված կարգով:

4. Վճարման կարգը և ժամկետները

- 4.1. Պայմանագրի Հավելված N°2-ով հաստատված, տվյալ եռամսյակին բաժին ընկնող գումարը յուրաքանչյուր ամսվա առաջին 10 (տասը) աշխատանքային օրվա ընթացքում, հավասար մասնաբաժիններով Պետական մարմինը փոխանցում է Կազմակերպության բանկային հաշվին՝ որպես տվյալ եռամսյակի կանխավճար:
- 4.2. Եթե Կազմակերպությունը տվյալ եռամսյակի համար նախատեսված միջոցառումները՝
 - ա) իրականացրել է ամբողջությամբ և Պետական մարմնի կողմից իրականացված միջոցառումների մասին հաշվետվությունն ընդունվել է, ապա Կազմակերպությանը փոխանցված կանխավճարը մարվում է՝ համարվելով որպես պատշաճ իրականացված ծրագրի համար հատկացում, և վճարվում է հաջորդ կանխավճարը՝ Պայմանագրի 4.1 կետով սահմանված կարգով.
 - բ) ամբողջությամբ չի իրականացրել, ապա կիրառվում է Պայմանագրի 2.1.2 և (կամ) 2.4.6 կետերով սահմանված պայմանները և իրականացված միջոցառումների արժեքի չափով Կազմակերպությանը փոխանցված կանխավճարը

մարվում է՝ համարվելով որպես պատշաճ իրականացված ծրագրի համար հատկացում, իսկ հաջորդ կանխավճարը վճարվում է չիրականացված միջոցառման չափով պակաս և Պայմանագրի 4.1 կետով սահմանված կարգով:

գ) իրականացրել է նախատեսվածից ավելի և Պետական մարմնի կողմից իրականացված միջոցառումների մասին հաշվետվությունն ընդունվել է, ապա Կազմակերպությանը փոխանցված կանխավճարը մարվում է՝ համարվելով որպես պատշաճ իրականացված ծրագրի համար հատկացում, և վճարվում է հաջորդ կանխավճարը՝ Պայմանագրի 4.1 կետով սահմանված կարգով, իսկ ավելի իրականացված միջոցառման չափով վճարումն իրականացվում է մինչև 2023 թվականի դեկտեմբերի 20-ը, սակայն ոչ ավելի Պայմանագրի 1.1 կետով սահմանված գումարից:

4.3. Պայմանագրով նախատեսված միջոցառումների տարեկան արդյունքները պետական մարմնի կողմից ընդունվելուց հետո՝ Կազմակերպությունը միջոցառումների իրականացման արդյունքում առաջացած տնտեսումները (խնայողությունները) վերադարձնում է Հայաստանի Հանրապետության պետական բյուջե՝ ոչ ուշ, քան մինչև 2023 թվականի դեկտեմբերի 22-ը:

5. Կողմերի պատասխանատվությունը

- 5.1. Կազմակերպությունը պատասխանատվություն է կրում Պայմանագրով նախատեսված միջոցառումների իրականացման և Պայմանագրի պահանջների պահպանման համար:
- 5.2. Պայմանագրով նախատեսված պարտավորությունների չկատարման կամ ոչ պատշաճ կատարման դեպքում Կազմակերպությունը պարտավորվում է ստացված ֆինանսական աջակցության գումարները չիրականացված միջոցառման չափով վերադարձնել Պետական մարմնին և վճարել տուգանք՝ պայմանագրի ընդհանուր գնի 0,5 (զրո ամբողջ հինգ տասնորդական) տոկոսի չափով: Ընդ որում, տուգանքի վճարումը Կազմակերպությանը չի ազատում իր պարտավորությունները կատարելու և խախտումները վերացնելու պարտականությունից: Տուգանքը հաշվարկվում է նաև Պայմանագրով նախատեսված միջոցառումները սահմանված ժամկետում իրականացնելու, սակայն Պետական մարմնի կողմից չընդունվելու դեպքում:
- 5.3. Պայմանագրով նախատեսված իրականացման ենթակա միջոցառումների ժամկետը խախտելու, ինչպես նաև Պայմանագրի 2.4.4 կետով նախատեսված հաշվետվությունները սահմանված ժամկետներում չներկայացնելու դեպքերում յուրաքանչյուր ուշացված օրվա համար Կազմակերպությունից գանձվում է տույժ՝ իրականացման ենթակա, սակայն չիրականացված միջոցառման գնի 0,05 (զրո ամբողջ հինգ հարյուրերորդական) տոկոսի չափով:
- 5.4. Պետական մարմնին Պայմանագրի 5.2 և 5.3 կետերով նախատեսված տուգանքը և տույժը հաշվարկվում և հաշվանցում է Կազմակերպությանը վճարման ենթակա գումարներից:
- 5.5. Պետական մարմնի կողմից Պայմանագրի 4.1 կետով նախատեսված ժամկետի խախտման դեպքում Պետական մարմնի նկատմամբ յուրաքանչյուր ուշացված օրվա համար հաշվարկվում է տույժ՝ վճարման ենթակա, սակայն չվճարված գումարի 0,05 (զրո ամբողջ հինգ հարյուրերորդական) տոկոսի չափով:
- 5.6. Պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:
- 5.7. Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

6. Պայմանագրի գործողության ժամկետը

- 6.1. Պայմանագրի պայմանները տարածվում են 2023 թվականի հունվարի 1-ից կողմերի միջև ծագած հարաբերությունների վրա և գործում է մինչև կողմերի ստանձնած պարտավորությունների ամբողջ ծավալով կատարումը:

7. Անհաղթահարելի ուժի ազդեցությունը (ՖՈՐՍ-ՄԱԺՈՐ)

- 7.1. Պայմանագրով նախատեսված պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է Պայմանագիրը կնքելուց հետո, և, որը կողմերը չէին կարող կանխատեսել կամ կանխարգելել: Այդպիսի իրավիճակներն են երկրաշարժը, ջրհեղեղը, հրդեհը, պատերազմը, ռազմական և արտակարգ դրության հայտարարումը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում Պայմանագրով նախատեսված պարտավորությունների կատարումը: Եթե անհաղթահարելի ուժի ազդեցությունը շարունակվում է 3 ամսվանից ավելի, ապա կողմերից յուրաքանչյուրն իրավունք ունի լուծելու Պայմանագիրը՝ դրա մասին նախապես տեղյակ պահելով մյուս կողմին:

8. Եզրափակիչ դրույթներ

- 8.1. Հայաստանի Հանրապետության 2023 թվականի պետական բյուջեով հաստատված արդյունքային (կատարողական) ցուցանիշների եռամսյակային (աճողական) համամասնությունները (Հավելված №2) հանդիսանում է Պայմանագրի անբաժանելի մասը:
- 8.2. Պայմանագրում կատարվող փոփոխությունները կամ լրացումներն իրավաբանական ուժ ունեն, եթե կազմված են գրավոր և ստորագրված են կողմերի կողմից:
- 8.3. Եթե տրամադրվող դրամաշնորհով նախատեսված ծրագիրը և միջոցառումները ենթակա չեն ավելացված արժեքի հարկով հարկման կամ ենթակա են հարկման պետական բյուջեից ավելացված հարկի վճարման համար տրամադրվող գումարի դիմաց ավելի փոքր գումարի չափով, ապա նշված հարկի վճարման համար նախատեսված հատկացումների գծով չօգտագործված գումարները 2023 թվականի ընթացքում ենթակա են վերադարձման Հայաստանի Հանրապետության պետական բյուջե:



- 8.4. Կազմակերպությունը մինչև 2024 թվականի հունվարի 31-ը Պետական մարմին են ներկայացնում տեղեկատվություն 2023 թվականի պետական բյուջեի միջոցների հաշվին ստացված դրամաշնորհի շրջանակներում հաշվարկված և պետական բյուջե վճարված ԱԱՀ գումարների, ինչպես նաև «Հայաստանի Հանրապետության 2023 թվականի պետական բյուջե մասին» օրենքի 7-րդ հոդվածի 22-րդ մասի պահանջներին համապատասխան չօգտագործված և ՀՀ պետական բյուջե վերադարձված գումարների վերաբերյալ:
- 8.5. Պայմանագիրը կազմված է 4 (չորս) էջից, կնքվում է երկու օրինակից, որոնք ունեն հավասարազոր իրավաբանական ուժ, յուրաքանչյուր կողմին տրվում է մեկ օրինակ: Պայմանագրի Հավելվածներ N№1-ը, 2-ը և 3-ը համարվում են Պայմանագրի անբաժանելի մասը:
- 8.6. Պայմանագրով նախատեսված պարտավորությունների չկատարման հետ կապված, ինչպես նաև Պայմանագրով չնախատեսված հարաբերությունները կարգավորվում են Հայաստանի Հանրապետության օրենսդրությամբ:

9. Կողմերի հասցեները, բանկային վավերապայմանները և ստորագրությունները

ՊԵՏԱԿԱՆ ՄԱՐՄԻՆ
Շրջակա միջավայրի նախարարություն
 ք.Երևան, Կառավարական 3-րդ շենք
 ՖՆ գործառնական վարչություն
 ՀՀ 900011007789
 ՀՎՀՀ 02507198
 Շրջակա միջավայրի նախարարության
 գլխավոր քարտուղար
Գ.Գուլյան



ԿԱԶՄԱԿԵՐՊՈՒԹՅՈՒՆ
«Սևան» ազգային պարկ» ՊՈԱԿ
 ք.Սևան, Կարմիր Բանակի 56
 ՖՆ գործառնական վարչություն
 ՀՀ 900018002890
 ՀՎՀՀ 08602899
 «Սևան» ազգային պարկ» ՊՈԱԿ-ի
 տնօրենի պ/կ
Կ.Մնացականյան



(Handwritten signatures in blue ink)



ՊԵՏԱԿԱՆ ՄԱՐՄԻՆ

րջակա միջավայրի նախարարության
 գլխավոր քարտուղար

Գ. Գուլյան



ԿԱԶՄԱԿԵՐՊՈՒԹՅՈՒՆ

«Սևան» ազգային պարկի» ՊՈԱԿ-ի
 տնօրենի պ/գ

Կ. Մնացականյան



ՄԻՋՈՑԱՌՈՒՄՆԵՐ

Իրականացվելիք միջոցառման

h/h	անվանումը	Համառոտ բովանդակությունը	Կատարման ենթակա գործառնությունների նկարագրը	Ավելավոր արդյունքները և դրանց գնահատման չափանիշները	Վերջնա-ժամկետը	Պահանջվող գումարը (դրամ)
1	«Սևան» ազգային պարկի պահպանություն	<p>1.1 Ազգային պարկի տարածքում ընդհանուր պահպանության միջոցառումների իրականացում:</p> <p>1.2 ազգային պարկի ամբողջ տարածքում բնական էկոհամակարգերի (անոշաֆտային ու կենսաբանական բազմազանության, գենֆոնդի, բնության ժառանգության պահպանություն, պաշտպանություն և օգտագործման վերահսկողություն: 1.3 Պահաբաժիններում գարնանային և աշնանային հերթական և վերստուգիչ առուզումներ:</p> <p>1.4 Հրդեհային անվտանգության միջոցառումների իրականացում:</p> <p>1.5 Հանրային լողափերում սպասարկման, կազմակերպման ապահովում:</p>	<p>Պահպանության ծառայությունների աշխատակիցների կողմից պարկի տարածքում տարածքներում ստուգումների և շտրջոյա հերթապահությունների միջոցով:</p> <p>Արդյունագործական ձևորոտության սպասարկման մուտքի և ելքի կետերի աշխատանքի կազմակերպում:</p> <p>Սանճարկների կողմից պահաբաժիններում գարնանային և աշնանային հերթական և վերստուգիչ առուզումների իրականացում:</p> <p>«Սևան» ազգային պարկի տարածքին սահմանակից համայնքների բնակչության շրջանում հակահրդեհային բացատրական աշխատանքների իրականացում,</p> <p>Հակահրդեհային ճանապարհների ընթացիկ նորոգում:</p> <p>Ազգային պարկի տարածքում գտնվող հանրային լողափերի սպասարկման և պահպանման աշխատանքների վերահսկողություն:</p>	<p>Ավելավոր արդյունքները և դրանց գնահատման չափանիշները</p> <p>Պատշաճ պահպանություն: ձկան և խնցղեղենի ապօրինի որսի, ապօրինի շինարարության, ռեյնեֆի խախտման, ապօրինի ծառահատման, ապօրինի աղբաթափման, ապօրինի արածեցման և այլ իրավախախտումների բացառում:</p> <p>Արդյունագործական ձևորոտության սպասարկման մուտքի և ելքի կետերի ընդհանուր թիվը՝ 25:</p> <p>Պահաբաժիններում չարձանագրված ապօրինի ծառահատումների բացահայտում</p> <p>Հանրային լողափերում «Սևան» ազգային պարկի հարակից 41 համայնքներում: Հրդեհների նվազեցում</p> <p>Կահավորված հանրային լողափերի քանակը՝ 3, այցելուների թիվը՝ 90000: Այցելուների պատշաճ սպասարկում: Չլահավորված 3 հանրային լողափերի բարեկարգման և կահավորման ապահովում:</p>	31.12.2023թ.	273 705 700

<p>2 Պարկի տարածքում գիտական հետազոտություններ և Էկոհամակարգի վերականգնմանն ուղղված միջոցառումներ</p>	<ul style="list-style-type: none"> Աշխատանքային նախատեսված հետազոտությունների հարող բնակավայրերի շրջաններում իրագեկություն, Էկոդաատիարակություն և խախտված վերականգնմանն ուղղված միջոցառումներ 	<ul style="list-style-type: none"> Գիտության և մոնիթորինգի բաժնի աշխատակիցների կողմից աշխատանքային պլաններով նախատեսված գիտական հետազոտությունների իրականացում. Մեծ Սևանում, Փոքր Սևանում, Սևանա լիճ թափվող Դրախտիկ, Ձկնագետ, Գավառագետ, Ծակքար, Մասրիկ, Արգիճի, Լիճք, Վարդենիկ, Մարտունի գետերի ջրերի որակի ուսումնասիրություն, մանրէաբանական, հիդրոբիոհական և հիդրոֆիզիկական հետազոտությունների իրականացում. Ձկն և խեցգետնի պոպուլյացիաների ուսումնասիրություն Մեծ Սևանում և Փոքր Սևանում. Սևանա լճում և դրա ջրհավաք ավազանի գետերում Աևանի կողակի ուսումնասիրություն, հաշվառում, և վերականգնման միջոցառումների մասնակցում (հիմք՝ շրջակա միջավայրի նախարարի 2021թ. ապրիլի 13-ի N 120 հրաման). Էկոհամակարգերի և դրանց բաղադրիչների գույքագրում, հաշվառում և մոնիթորինգ. «Սևան» ազգային պարկի տարածքին սահմանակից համայնքների բնակչության շրջանում բացատրական աշխատանքների իրականացում, Այցելուների կենտրոնի և տարածքի այցելուներին տեղեկատվության տրամադրում. Ծանգաբանային ցուցանիշների պահպանություն, խնամք և ցուցադրում. գեղարքունի մանրածկան համայրում 	<ul style="list-style-type: none"> Կայքում կատարված ուսումնասիրությունների և հետազոտությունների վերաբերյալ հաշվետվություններ. Սևանա լիճ թափվող գետերի և Սևանա լճի ջրի որակի վերաբերյալ արդյունքների վերլուծություն. Ձկների կենսաբանական ցուցանիշների, դրանց տարածական տեղաբաշխման և կենսապայմանների, խեցգետնի վերարտադրման առանձնահատկությունների, պոպուլյացիաների չափատարիքային և սեռական կառուցվածքի, բազմացման ժամանակաշրջանների, բերրության ցուցանիշների վերլուծություն. Սևանա լճում և դրա ջրհավաք ավազանի գետերում Աևանի կողակի ուսումնասիրության, հաշվառման, վերականգնման միջոցառումների իրականացման մասնակցություն. Գիտական ուսումնասիրությունների և մոնիթորինգի իրականացման ընթացքում ստացված տվյալների հավաքագրում, դասակարգում, տարածքների և բնական պաշարների օգտագործման հաշվառում, անկողում և վերլուծություն. Ձուրաբանջուր եռամսյակ մեկ հաշվետվություն, հաշվետվությունների ընդհանուր թիվը՝ 4. «Սևան» ազգային պարկի տարածքին սահմանակից 41 համայնքների բնակիչների Էկոլոգիական իրազեկվածության մակարդակի բարձրացում, 12 միջոցառում, մասնակիցների թիվը 1500. Բուսական ու կենդանական աշխարհի ներկայացուցիչների ցուցադրում. գեղարքունի մանրածկան բացթողման աշխատանքների մասնակցություն 	<p>31.12.2023թ.</p> <p>21 042 000</p>
---	--	--	--	---------------------------------------




3	Պարկի տարածքում անտառտնտեսական աշխատանքներ	<ul style="list-style-type: none"> Անտառագիտական անտառտնտեսական միջոցառումներ՝ և անտառվերականգնողական և անտառտնտեսական աշխատանքներ, 	<p>Սասնաճյուղերի կրկնից անհրաժեշտությամբ պայմանավորված անտառագիտական և անտառտնտեսական միջոցառումներ, սակիտարական հատումներ և խնամքի աշխատանքներ</p>	<ul style="list-style-type: none"> Տնկարկների խնամք և անտառվերականգնողական աշխատանքներ՝ 5 հա անտառտնտեսական տնկարանային տնտեսությունում աճեցված տնկիների թիվը 10000 	31.12.2023թ.	9 150 000
4	Սևանա լճի ջրածածկ անտառտնկարկների մաքրում	<p>Սևանա լճի ջրածածկ և ջրածածկման ենթակա տարածքներում թփերի, մացառների, ծառերի և կոճղերի արմատախիլի անում, անտառամյուրթի մասնատում և տեղափոխում</p>	<ul style="list-style-type: none"> Ջրի մեջ և ճահճացած տարածքում թփերի, մացառների, ծառերի և կոճղերի արմատախիլի անում, Ծառերի, արմատային զանգվածի հետափ հանում մեքենա-մեխանիզմների ձգաճեցումով կամ հետ քարշակում տրակտորով միջինը 200-300 մետր հեռավորության վրա՝ մեքենայի բարձրանալու տեղ, Թփերի, մացառների, կոճղերի և արմատային զանգվածի բարձրում լաստի վրա, տեղափոխում ափ և դառարկում, էքսկավատորով կոճղերի, ջախի, թփերի և արմատային զանգվածի բարձրում բեռնատար մեքենային, Անտառամյուրթի մասնատում, Փայտամյուրթի, ջախի և արմատային զանգվածի տեղափոխում 5 կմ հեռավորության վրա: Աշխատանքների իրականացումը ըստ կցված բարտեզ-սխեմաների, երեզնածածկ, խոտածածկ, ալպազե/քարքարոտ տարածքները մաքրման ենթակա գործառույթ չեն համարվում: 	<p>Բնական ռեսուրսների արդյունավետ կառավարման պայմանների ապահովում, բույսերի և կենդանիների պահպանություն և վերարտադրության աճի ապահովում: Մեքենա-սարքավորումների միջոցով Սևանա լճի ջրածածկ և ջրածածկման ենթակա տարածքների պատշաճ մաքրման աշխատանքների իրականացում, մաքրման ենթակա տարածքները 89 հա</p>	31.12.2023թ.	128 081 700

ԸՆԴԱՄԱՆԸ

431 979 400



Քարտեզ - սխեմա
 «Սևան» ազգային պարկի
 «Մարտունի» մասնաճյուղի «Երանոս» և
 «Մարտունի» տեղամասերում նախատեսված
 մաքրման աշխատանքների
 ընդհանուր մակերես ` 104,43 հա
 Մասշտաբ ` 1:25000



Կոորդինատային համակարգը՝
 WGS_1984_UTM_Zone_35N



ՊԵՏԱԿԱՆ ՄԱՐՄԻՆ

Շրջակա միջավայրի նախարարության
 գլխավոր քարտուղար

Գ. Գուլյան



ԿԱԶՄԱԿԵՐՊՈՒԹՅՈՒՆ

«Սևան» ազգային պարկ» ՊՈԱԿ-ի
 տնօրենի պ/կ

Կ.Մնացականյան



ՀՀ 2023 թվականի պետական բյուջեով հաստատված արդյունքային (կատարողական) ցուցանիշների եռամսյակային (աճողական) համամասնությունները

Ծրագրի դասիչը՝ Միջոցառման դասիչը՝	1155 11004	Միջոցառման անվանումը՝	Ցուցանիշներ				Տարի
			Առաջին եռամսյակ	Առաջին կիսամյակ	Ինն ամիս	Տարի	
Միջոցառման անվանումը՝		«Սևան» ազգային պարկի պահպանության, պարկում գիտական ուսումնասիրությունների, անտառատնտեսական աշխատանքների կատարում					
Նվազագույնը՝		«Սևան» ազգային պարկի տարածքում պահպանության, գիտական ուսումնասիրությունների, անտառատնտեսական աշխատանքների իրականացում					
Միջոցառման տեսակը՝		Ծառայությունների մատուցում					
Միջոցառումն իրականացնողի անվանումը՝		Մասնագիտացված կազմակերպություններ					
Արդյունքի չափորոշիչներ							
ՊՈԱԿ-ի տնօրինության՝ ԲՀՊ տարածքներում գտնվող բնական էկոհամակարգերի լանդշաֆտային և կենսաբանական բազմազանության, բնության ժառանգության պահպանություն, հա	147343	147343	147343	147343	147343	147343	147343
Գիտական ուսումնասիրությունների և հետազոտությունների վերաբերյալ հաշվետվությունների թիվը, հատ	1	2	3	4			
Նախարարության կայքում հրապարակված գիտական ուսումնասիրությունների և հետազոտությունների վերաբերյալ հաշվետվությունների թիվը, հատ	1	2	3	4			
Բնակչության էկոլոգիական կրթության ու դաստիարակության ուղղված միջոցառումների թիվը, հատ	3	6	9	12			
Էկոլոգիական կրթության ու դաստիարակության ուղղված միջոցառումների մասնակիցների թիվը, շահառու	200	700	1200	1500			

Ազգային պարկի տարածքում գտնվող հանրային լողափերի սպասարկում և պահպանում, հանրային լողափերի քանակը, հատ	0	3	3	3	3
Ազգային պարկի տարածքում գտնվող հանրային լողափերի այցելուների թիվը, մարդ	0	15000	90000	90000	90000
Խախտված էկոհամակարգերի վերականգնմանն ուղղված միջոցառումների (անտառտնկում, գեղարքունի մանրածկան անեցում և բացթողում) թիվը, հատ	0	1	1	1	2
Անտառապատման աշխատանքների իրականացում, հա	0	5	5	5	5
Տնկարանային տնտեսությունում անեցված տնկիների թիվը, հատ	0	10000	10000	10000	10000
Սևանա լճում արդյունագործական ձկնորսության սպասարկման մուտքի և ելքի կետերի թիվը, հատ	25	25	25	25	25
Սևանա լճի ջրածածկ անտառտնկարկների մաքրում, հա	15	40	62	62	89
Մաքրված տարածքների մասնաբաժինը մաքրման ենթակա (2022թ.՝ 1590.43 հա) տարածքներում, տոկոս	0.9	2.5	3.9	3.9	5.6
ՀՀ կառավարության որոշմամբ հաստատված «Սևան» ազգային պարկի տարեկան համալիր ծրագրով վերապահված միջոցառումների կատարման մակարդակը, տոկոս	0	0	0	0	100
Միջոցառման վրա կատարվող ծախսեր (հազար դրամ)	86 395.9	194 390.7	302 385.6	302 385.6	431 979.4



Հավելված №3
« 16 » « 01 » 2023թ. կնքված
№ ՇԱՆ-ԴՇ-23/03 պայմանագրի

ԿԱԶՄԱԿԵՐՊՈՒԹՅՈՒՆ

«Սևան» ազգային պարկ» ՊՈԱԿ
Ք.Սևան, Կարմիր Բանակի 56
ՖՆ գործառնական վարչություն
ՀՀ 900018002890
ՀՎՀՀ 08602899

ՊԵՏԱԿԱՆ ՄԱՐՄԻՆ

Շրջակա միջավայրի նախարարություն
Ք.Երևան, Կառավարական 3-րդ շենք
ՖՆ գործառնական վարչություն
ՀՀ 900011007789
ՀՎՀՀ 02507198

**ԱՐՁԱՆԱԳՐՈՒԹՅՈՒՆ №
ՊԱՅՄԱՆԱԳՐԻ ԿԱՄ ԴԻՄ ՄԻ ՄԱՍԻ ԿԱՏԱՐՄԱՆ ԱՐԴՅՈՒՆՔՆԵՐԻ
ՀԱՆՁՆՄԱՆ-ԸՆԴՈՒՆՄԱՆ**

« _____ » 2023թ.

Պայմանագրի /այսուհետ՝ Պայմանագիր/ անվանումը՝ Պեյրության կողմից դրամաշնորհի ձևով տրամադրվող ֆինանսական աջակցության գումարների
օգտագործման մասին պայմանագիր

Պայմանագրի կնքման ամսաթիվը՝ « 16 » « 01 » 2023թ.

Պայմանագրի համարը՝ ՇԱՆ-ԴՇ-23/03

Պետական մարմինը՝ ի դեմս գլխավոր քարտուղար Գ.Գույանի և Կազմակերպությունը՝ ի դեմս «Սևան» ազգային պարկ» ՊՈԱԿ-ի տնօրենի պ/կ Կ.Մնացականյանի,
կազմեցին սույն արձանագրությունը հետևյալի մասին.

Պայմանագրի շրջանակներում Կազմակերպությունը « _____ » 2023 թվականից մինչև « _____ » 2023 թվականն ընկած ժամանակահատվածում
իրականացրել է հետևյալ միջոցառումները.

№	անվանումը	համառոտ բովանդակությունը	Իրականացված միջոցառման		Վճարման ենթակա գումարը (հազար դրամ)
			ակնկալվող արդյունքները և դրանց գնահատման չափանիշները	բանական կամ արդյունքային ցուցանիշները	
			ըստ պայմանագրի	փաստացի	

ՀԱՆՁՆԵՑ

ստորագրություն
ազգանուն, անուն
Կ.Տ.

ԸՆԴՈՒՆԵՑ

ստորագրություն
ազգանուն, անուն
Կ.Տ.